

HERRI KIROLAK



Mikel Saralegi leitzarra.

Saralegi 300 kiloko harria altxatzen saiatuko da Leitzan

J.K.L. / IRUNEA

Mikel Saralegi 300 kiloko harri koadroa altxatzen saiatuko da datorren igandean, otsailak 23. Saialdia arratsaldeko seietan izanen da, Leitzako Amazabal pilotalekuan. Harri-jasotzaileaz aparte aizkolari anitzek ihardungo dute herri kirol jaialdi honetan: Mindegia, Arrospide, Olasagasti, Nazabal, Etxebeste, Astibia aita eta semea, Arria aita eta semea eta Mindegiairen semea.

Saralegiren azken marka 292 kilokoa da eta duela bi hilabete lortu zuen. Bere jaioterria aukeratu du harri-jasotzaile nafarrak 8 kilotako tarte hori gainditzeko. Mikelek Amazabal pilotalekuan leitzar zaletu guztien laguntza bilatzen du. Horrez gero, Leitzako pilotalekuan giro itzela ziurtaturik dago datorren igande arratsalderako.

Saralegik bere helburua lortzen badu, mundu osoan 300 kiloko harria inoiz jaso duen bigarren gizonezkoa izanen da. Jakina den moduan marka hori lehenengo aldiz lortu zuena beste leitzar indartsu bat izan zen, Iñaki Perurena hain zuten ere. Perurenak azken bolada honetan bere marka pertsonala —eta 'record' mundiala— berriz ere haustea zaila iruditzen zaiola adierazi du.

TXIRRINDULARITZA

Hirugarren etapa etenda Vuelta a Valencian

GANDIA

Vuelta a Valencia txirrindulari itzuliak arazoz beterik segitzen du. Lehen egunean partehartzaile guztiek planto egin bazuten, hurrengo bi egunetan eguraldia izan da protagonista nagusia. Atzo hirugarren etapa jokatu behar zen, Castalla eta L'Alcudia de Crespinsen artean, baina azkenean antolatzaileek etapa bertan behera uztea erabaki zuten eguraldi txarraren ondorioz.

Etapia 18. kilometroan eten zuten, eta antolatzaileek tropela Gandiara kotxeetan eramatea proposatu zuten, azken 20 kilometroak behintzat korritu ahal izateko. Dena den, ekaitza ez zen baretu eta azkenean etapa bertan behera uztea erabaki zuten.

PILOTA

Pilotari Eguna ekitaldiz gainezka

Ikaspilota, omenaldiak eta erremintak protagonista izango dira gaur

Gaur ospatuko da Pilotari Eguna, eta goizean Ikaspilota eta haurrak protagonista izango badira Gernikan, gauean erreminta jaialdi bikaina iragarri dute Bilboko Deportivon. Abrego, Arriaran II, Alex Soroazabal eta Begoñes VII omenduak izango dira bertan, Euskadiko Federazioaren aurreneko urrezko intsigniak jasoz.


X.M. / DONOSTIA

Bizkaiko Ikastola Federazioak antolaturik eta Euskadiko Pilota Federazioarekin babesean, gaur ospatuko da Gernika eta Bilbon Pilotari Eguna. Goizetik haurrak izango dira protagonista, Gernikako frontoietan ia 500 haur ariko bait dira jolasean. Arratsaldean, Miguel Pelay Orozko eta Joxan Unsain hizlari izango dira Bilbon, eta gauean erreminta jaialdia iragarri dute Deportivo pilotalekuan, gaueko 10etan hasita eta ETBk zuzenean eskainita.

Goizeko 10etan hasita, Ikaspilota proiektuan diren 400 ikastola-kumetik gora Gernikako Santanape, Jai Alai eta Urbietako zazpi frontoietan banatuta 'Haur jolasak' ikasi eta jolasean ariko dira. Eguerdiko 12etatik 1.30era bitartean, Jai Alaien pilota erakustaldiak egingo dituzte. Espezialitate bakoitzeko irakasleak ere izango dira: Iriondo, Torre eta Santi palan; Ariznabarreta, Azkarate, Etxaniz eta Zezeaga eskuz; eta Uriarte eta Beaskoetxea zestapuntan.

Zozketa bidez, Jai Alai frontoira bertaratzeko diren mutiko eta neskato batek aipatu pilotariekin jokatzeko aukera izango dute. Urbietako frontoietan bazkaldu eta gero, pilotan jokatzeko beharrezko herramintak nola egiten diren ikusi ahal izango dute haurrek Etxabe —zestak—, Renedo —palak— eta Otero —esku pilotak— artisauen eskutik.

Pilotari Egunak gaina gaueko 10etatik aurrera joko du. Deportivo frontoian hiru herraminta partidu izango dira. Lehenik erremontea, Arregi-Mujika I eta Elizalde II-Mu-



Kike Elizalde gaur Mujika II izango du lagun atzekaldean Deportivon.

jika II bikoteen artean; ondoren pala, Iriondo eta Torre batetik eta Fede Arribilaga eta Golderazena bestetik; azkenik zestapunta partidua jokatu dute Jauregi-Aranburu eta Beaskoetxea II-Arkarazo bikoteek.

Deportivon, partidu arteko atsedendian omenaldia jasoko dute lau pilotari ohiek. Jesus Abrego erremontista, Arriaran II pilotaria, Begoñes VII palista eta Alex Soroazabal zestapuntistari Euskadiko Pilota Federazioaren 'Urrezko Intsignia' ezarriko zaie, estraineko aldiz.

Xisteraren ukoa

Xistera zestapunta enpresako ordezkariak uko egin diote Pilotari Eguna ospatzeko ekitaldietan parte hartzeari. Juan Gerenabarrena lehendakariordeak argitu duenez, Euskadiko Pilota Federazioaren gonbitea jaso dute Gernika eta Bilboko ospakizunetan parte hartzeko, «baina geure jarrera argi zehaztu nahi izan dugu. Ekitaldietan ez dugu parte artuko minduta, baztertuta eta umilatura sentitu garelako Euskal Herriko pilotazale, Instituzio, komunikabide eta abarren aurrean».

Izan ere, Pilotari Eguna ospatzeko Deportivon iragarrita dagoen zestapunta partidurako bazterreraz utzi dituzte Xistera enpresako puntistak, eta norgehiagoka Eusko Pilotako lau pilotarik —Jauregi, Aranburu, Beaskoetxea II eta Arkarazok— jokatu dute. Xisteraren iritziz, «geure koadroan badira horrelako jaialdian gustora jokatu luketen hainbat bikote, iragarri dituzten bien kontra txukun aritzeko moduan gainera».

Karteldegia

Gaurko partiduak

DEPORTIVO. 22.00. Pilotari Eguna (ETB). Erremontea: Arregi-Mujika/Elizalde II - Mujika II. Pala: Iriondo - Torre / Arribilaga I - Golderazena. Zestapunta: Jauregi - Aranburu / Beaskoetxea II - Arkarazo.

Biharko partiduak

BERGARA. 16.30. Soroa III - Salbidea / Ansotegi - Retegi IV. Bengoetxea IV - Maiz / Alustiza - Iturza. Retegi III - Astarloa / Telletxea - Andueza V.

LABRIT. 17.00. Bigarren mailako manomanista: Urra / Iribarren. Eugi - Galarza / Bergara - Errandonea.

MUTRIKU. 16.30. Azkoitia - Agirre / Bazeta - Barandiaran. Lazkano - Urretabizkaia / Juantxo - Zubizarreta. Bigarren mailako manomanista: Irazola / Loiarde.

Igandeko partiduak

ASTELENA. 16.30. Bigarren mailako manomanista: Berna / Ariznabarreta. Ladutxe - Tolosa / Salaberria - Errasti. Ansotegi - Andueza VI / Zabala - Unsain.

Asteleheneko partiduak

BEOTIBAR. 16.15. Urzainki - Retegi IV / Tolosa III - Mendia. Etxaniz - Galarza / Bengoetxea IV - Errandonea. Bigarren mailako manomanista: Elorz / Santi.



Galarza, bihar Labriten.

LABURREAN

CUBA-EUSKADI Xake Txapelketa jokatu da La Habanan

Cuba eta Euskadiko xake selekzioek txapelketa jokatu dute La Habanako Velodromo Nacionalean otsailaren 26an, Cubako Xake Federazioko iturriek atzo adierazi zuten. Cubako taldearen aldetik, Blas Lugo Nazioarteko Maisua eta Dionisio Aldama eta Juan Carlos Gonzalez, Julio Becerra eta Roberto Calderin FIDE maisuek jokatu dute. Euskadiko selekzioaren aldetik berriz, Felix Izeta, Javier Otxoa, Rafael Alvarez eta Carlos Lakunza Nazioarteko Maisuak izango dira La Habanan.

ELLIOT eta Ureak positibo eman zuten Ruta del Solen

Malcolm Elliot eta Jose Urea, SEUR taldeko txirrindulariek positibo eman zuten joan zen otsailaren 6an eta 8an egindako dopingaren kontrako azterketetan. Elliot eta Ureak dopingaren kontrako azterketa egin behar izan zuten egun horietan, Ruta del Soleko hirugarren etapa bostgarren etapetan eta bertan Nandrolona hartu zutela ziurtatu zen. Elliotek ez zuen kontra-analisirik egin nahi izan.

KRABBEK lau urteko zigorra ez duela beteko ziurtatu du

Matrin Krabbe atleta alemaniarra atzo adierazi duenez, ez du lau urteko zigorra beteko eta konpetitzen segituko du. Krabberen esanetan, berak ez du zertan lotsatu beharrik, eta manipulaziorik ez zela egon ziurtatu duen. «Dena den, Hego Afrikan dopingaren kontrako azterketak ez ziren European bezala egin». Atletaren hitzetan, oso zaila da egoera honetan motibatzea.

McENROE Stuttgarteko Tenis Torneotik kanpo geratu da

John McEnroe tenislari estatubatuarra Stuttgarteko Torneotik kanpo geratu zen lehen partiduan, Karel Novaceken kontra 3-6, 7-6 (9-7), 6-2 galduta ondoren. McEnroek partidua irabazteko pilota izan zuen tie breaken lehen seta irabazi ondoren. Baina Novacekek bigarren seta irabaztea lortu zuen, eta hortik aurrera partiduak aldaketa izugarria izan zuen. Estatubatuarra asko haserretu zen epailearekin eta akats asko egin zituen jokoa.